



Publicaziuns dalla vischnaunca, jamna 50

Damonda da baghegiar

2023-1081.000

Datum dalla publicaziun: 15 da december 2023

Ilis patruns: Pauli Desax
Via Sogn Gions 3, 7180 Disentis/Mustér
Tamara Ricarda Nold
Via Gassa 3, 7017 Flims Dorf

Ilis representants: Pauli Desax
Via Sogn Gions 3, 7180 Disentis/Mustér
Tamara Ricarda Nold
Via Gassa 3, 7017 Flims Dorf

Intenziun: Remplazzament d'ina finiastra ed isolaziun dalla fassada

Edifeci nr.: 139-C

Parcella: 770

Adressa: Via Sogn Gions 3, 7180 Disentis/Mustér

Zona: Zona dil vitg (V)

Zona da prighel: Negina

Protestas:

Ilis plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér



Cussegl da vischnaunca
Rapport dalla seduta diils 7 da december 2023

Ignaz Venzin niev president dil cussegl da vischnaunca da Mustér pigl onn 2024

Gievgia, ils 7 da december 2023 ha giu liug en Sala Peter Kaiser dalla Claustra Mustér la 27avla seduta dil cussegl da vischnaunca da Disentis/Mustér dalla perioda d'uffeci 2021/2024. El center dalla seduta ei stau l'approbaziun dil contract da dretg da baghegiar e da servitud denter las Pendicularas Mustér SA e la vischnaunca davart la realisaziun d'ina ovra solara a Caischavedra. Il cussegl da vischnaunca ha approbau unanimamein il contract. Il cussegl da vischnaunca ha all'entschatta dalla seduta decidiu da cumpletar la gliesta da tractandas cun la fatschenta d'instradar ina cumissiun parlamentara per sclarir l'abdicaziun all'entira cumissiun da baghegiar. Sebasond sin la discussiun occurrida ha il cussegl da vischnaunca alla fin dalla tractanda desistiu da votar davart l'elecziun d'ina tala cumissiun. Sco davosa tractanda ha il parlament communal eligi Ignaz Venzin sco niev president ed Adrian Flepp sco niev vicepresidente dil cussegl da vischnaunca pigl onn 2024.

Il cussegl da vischnaunca ha gievgia sera sut l'egida dalla presidenta dil cussegl da vischnaunca Helga Probst-Linder approbau il contract da dretg da baghegiar e da servitud cun las Pendicularas Mustér SA davart la realisaziun d'ina ovra solara a Caischavedra. Cheutras metta la vischnaunca a disposiziun allas Pendicularas Mustér SA ina surfatscha da biebein 6'900 m2 cugl intent intent da renovar l'ovra solara existentia (Desertasol) e d'engrondir quella en direcziun dalla zona per edificis solars. Cun possibilitar allas Pendicularas Mustér SA da construir in'atgna ovra solara a Caischavedra e senza utilizar l'energia producida, sustegn la vischnaunca il svilup turistic en fuorma persistenta. Il contract cuoza 30 onns. Sebasond sin art. 21 lit. d dalla constituziun communal vegn quei conclus suttamess al referendum facultativ.

En connex cun l'abdicaziun dall'entira cumissiun da baghegiar sin la fin 2023 ha la suprastanza communal rispundi extendidamein las damondas ch'ei vegnidas inoltradas a scret avon la seduta. Sebasond sin quellas informaziuns e l'enconuschientscha che la cumissiun da gestiun vegni a sclarir ils motivs per quell'abdicaziun ha il cussegl da vischnaunca desistiu d'installar ina cumissiun parlamentara. La cumissiun da gestiun vegn a rapportar alla suprastanza communal, la quala vegn silsunter ad orientar il parlament communal davart ils resultats cun observar il secret d'uffeci e la discreziun. Il parlament communal ha aunc priu enconuschientscha dall'agenda da termins e fatschentas digl onn 2024. Singuls termins vegnan aunc adattai enteifer il biro dil cussegl da vischnaunca e la suprastanza communal.

Alla fin dalla seduta ha il cussegl da vischnaunca eligi sco niev president dil cussegl da vischnaunca pigl onn 2024 il vicepresidente Ignaz Venzin e sco niev vicepresidente Adrian Flepp.

Las autoritads politicas dalla vischnaunca da Mustér engrazian alla presidenta partenta Helga Probst-Linder cordialmein per siu grond engaschi e la buna collaboraziun duront igl onn 2023.

Suprastanza communal

Referendum facultativ

A caschun da sia seduta diils 7 da december 2023 ha il cussegl da vischnaunca approbau unanimamein il contract da dretg da baghegiar e da servitud cun las Pendicularas Mustér SA davart la realisaziun d'ina ovra solara a Caischavedra.

Conform ad art. 21 lit. d dalla constituziun communal ei quella decisiun suttamessa al referendum facultativ. Il messadi davart quella fatschenta ei exponius per investa en casa communal (stanza nr. 10). Enteifer 20 dis dapi la publicaziun officiala han 80 votantas e votants la pusseivladad d'inoltrar enviars sura conclus il referendum e pretender ina votaziun dil pievel.

Suprastanza communal



Temps d'unviern – Restricziuns da carrar e mesiras da segirtad

Vias da funs, cultivaziun ed uaul

Duront il temps d'unviern eis ei scumandau da carrar cun tuts vehichels sin las vias da funs, cultivaziun ed uaul. Quei scamond vala mintgamai naven dils 15 da december entochen la fin da mars, respectivamein naven dil mument che las vias ein cuvretgas cun neiv. Rumir vias ei scumandau.

Sendas da viandar d'unviern e sendas da gianellas

Las sendas da viandar d'unviern sco era las sendas da gianellas (marcadas rosa) vegnan pridas en funcziun e mantenidas naven digl'emprem da december 2023 entochen Pastgas 2024. Il bandunar sendas da viandar d'unviern e rutas da gianellas signalisadas, ni vias rumidas da neiv e tut semover ordeifer la zona da baghegiarsucceda sin atgna responsabladad. Serradas da sendas, rutas e vias ein ligiontas per tuts e ston vegnir observadas (art. 6 e 10 dalla lescha davart l'organisaziun en cass da crisa).

Naven dall'entschatta december vegn il stan actual davart l'avertura da sendas da viandar d'unviern e sendas da gianellas communicaus silla pagina d'internet <https://strassen.disentis.ch/>.

Nus supplichein da prender enconuschientscha da questas directivas e giavischein in bi temps d'unviern.

Bien engraziament per la capientscha ed observaziun.

Direcziun communal Disentis/Mustér

Affittaziun da pastira

Sin primavera 2024 vegn liber pastira che la vischnaunca da Disentis/Mustér sa affittar a cultivaders(a). Interessai han la caschun da mirar las parcelas che stattan a disposiziun per l'affittaziun sin [www.disentis/downloads/Affittaziun da pastira](http://www.disentis/downloads/Affittaziun%20da%20pastira). L'affittaziun succeda tenor art. 3 dalla lescha d'agricultura, numnadamein:

1. Las annunzias vegnan risguardadas tenor successiunda lur entrada.
2. Ei exista negins cunfins da vischinar denter ils uclauns dalla vischnaunca Disentis/Mustér.
3. Las pastiras vegnan fittadas tenor ils suandonts criteris:
 - al menaschi ch'ei geograficamein il pli datier dalla pastira affittabla;
 - sin fundament dalla surfatscha dalla pastira gia affittada e tenor grondezia dil menaschi recliamain ed en proporziun;
 - en cass da plirs interessents per ina pastira vegn tratg la sort.

Annunzias per l'affittaziun ein d'inoltrar a scret cun indicar las surfatschas giavischadas entochen ils **3 da schaner 2024** al departament d'agricultura, Via Cons 2, Caum postal 57, 7180 Disentis/Mustér. Per sclariment stat il gerau d'agricultura Clemens Berther (cultivaziun@disentis.ch) bugen a disposiziun.

Departament d'agricultura Disentis/Mustér

Administraziun communal – Informaziun

Muort in'occurrenza interna restan l'administraziun communal e tuts uffecis en casa communal serrai

venderdis, ils 15 da december 2023.

Bien engraziament per Vossa capientscha ed in bi temps d'advent.

Administraziun communal



Controlla da habitonts

Mortori

Paulin Vigeli Sac-Manetsch, naschius ils 28 da fevrer 1948, morts ils 8 da december 2023

Administraziun communal Disentis/Mustér

Biblioteca populara Disentis/Mustér e contuorn

Adatg!

Muort in' occurrenza interna resta la biblioteca serrada **venderdis, ils 15 da december 2023**.

Bien engraziament per Vossa capientscha.

Wegen internen Anlasses bleibt die Bibliothek **Freitag, den 15. Dezember 2023** geschlossen.

Wir danken für Ihr Verständnis.

Il team dalla biblioteca

19. Exposiziun d'art e sentupada, Segnas

Dumengia, 17 da december 2023 14.00-19.00

S. Stiafen, 26 da december 2023, 14.00-19.00

Vederdis, 29 da december 2023, 14.00-18.00

Casa da scola Segnas. 6 expositurs cun lur ovras d'art ed artisanadi. Stiva da caffè.

Cordialmein envida

Chor baselgia Segnas

Corporaziun da dretgs d'alp Nalps e Tegia miez

Radunonza extrodinaria, sonda, ils 16-12-2023 las 20:15 ell'Ustria Cresta Segnas. Informaziun e discussiun pertuccont cunvegentscha cun Nalps Solar AG

A stedia partizipaziun envida

la suprastonza

Aperitiv alla midada digl onn

Nus havein il plascher d'envidar la populaziun sco era ils secundindigens (proprietaris da habitaziuns secundaras) dalla vischnaunca Disentis/Mustér ad in aperitiv da Silvester/Daniev gievgia, **ils 28 da december 2023 naven dallas 16:00** en halla Cons.

Igl aperitiv vegn offerius cun sustegn dalla vischnaunca.

Nus selegrein sin stedia participaziun ed in interessant ed inspiront scomi da meinis. Cuminonza d'interess da proprietaris da habitaziuns secundaras

Interessengemeinschaft Zweitwohnungseigentümer Disentis



Societad da musica Mustér

Concert da Nadal en collaboraziun cun la Societad da musica Sedrun, **Sonda 23-12-2023 allas 20.00** en baselgia S. Gions Mustér.

Entrada libra, collecta

Silsuenter stiva da caffè en halla Cons Mustér

Societad da musica Mustér

Apparat d'udida

Gliendisdis, ils 11 da december 2023 saveis Vus schar schubergiar e rugalar Vies aparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG sorprendan communablamein quei survetsch gratuit per tuts interessents.

Ei drova negina annunzia.

19. Exposiziun d'art e sentupada, Segnas

Dumengia, 17 da december 2023 14.00-19.00

S. Stiafen, 26 da december 2023, 14.00-19.00

Vederdis, 29 da december 2023, 14.00-18.00

Casa da scola Segnas. 6 expositurs cun lur ovras d'art ed artisanadi. Stiva da caffè.

Cordialmein envida

Chor baselgia Segnas

Corporaziun da dretgs d'alp Nalps e Tegia miez

Radunonza extrodinaria, sonda, ils 16-12-2023 las 20:15 ell'Ustria Cresta Segnas. Informaziun e discussiun pertuccont cunvegentscha cun Nalps Solar AG

A stedia partizipaziun envida

la suprastanza
